

Item carra do de pagia et uno carro de legne over zochi

Et che esso conductor debbi reparar li coverti dalle gioze

nec non piantar piantoni numero cento et piedi de vide numero cento all'anno. Et chel non possi tagliar legni sechi da pe senza presentia del gastaldo et che in luogho de un secho ne pianti dui verdi.

A Francesco ditto cecho marargon de Vallonga

Una pezza de terra ditta el Stroparo et Vignole de campi numero vintinove perteghe siecento sessanta do terre buone fra questi confini, con Zuan Piero Cavallo, via communa, sant'Andrea de Lio, el prete Francesco Londi da Cambruoso, San Zorzi mazor et messer Zacharia Contarini.

Item una pezza de terra ditta el Mariotto de campi do incirca in confin de Codevigo, confina con San Michiel de Muran, via communa et sant'Andrea de Lio.

Item una pezza de terra ditta le Cariole de campi sette perteghe cinquecento trenta sete in circa fra questi confini, con sant'Andrea de Lio, san Zorzi Mazor et messer Francesco Barbaro et fradelli.

Item una pezza de terra ditta drento dui canali, de campi undese et perteghe dusento et vintinove incirca fra questi confini, da una banda la brentella et messer Francesco Barbaro, da l'altra la via communa et el Chieregà dall'altra la via communa et el Zanchò.

Item una pezza de terra ditta alla Fossa de campi sedese et perteghe cento et undese fra questi confini con el mag.co messer Andrea Erizo, con la brentella, con la via communa et con el Chieregà.

Item una pezza de terra ditta in le Siege de campi diese et perteghe cinquecento et cinquantase fra questi confini, da una banda con la brentella da due bande con li Sanguenazi et da l'altra con la via communa.

Item a Cambruoso una pezza de terra de campi do prativi fra questi confini, con el quondam magnifico messer Piero, con la via communa et con Zuan Ravan.

Qual tutti campi fanno la summa de campi otanta incirca tra arativi, piantadi et videgadi, prativi et garbi di quali ogni anno die pagar:

Formento moza quindese secco alla misura de Venetia condotto a Venetia

Mastelli 25 vin negro puro et senza aqua.

Meio mozo mezo alla ditta misura

Sorgo mozo mezo

Legumi de cadauna sorte stera do padoani per cadauna sorte de legumi

Per honoranze

Lire cinquanta de lin spolado

In la festa de San Piero

Pera do polastri

A Nadal

Do pera de caponi

Vuovi cinquanta

Un porcho de Libbre cinquanta netto dalli interiori et che li interiori siano per conto di locatori.

Da carneval

Do pera de galline

Da Pasqua

Vuovi cinquanta

Il tutto condotto a Venetia alli tempi debiti

Item carra do pagia et un carro de legne over zochi

Dovendo el conductor reparar li coverti dalle gioze nec non non potendo tagliar alcun alboro da pè vivo, et se sarà secho avanti che esso conductor el tagli debbi chiamar el gastaldo et in luogho de ogni pè secco ne debbi piantar do verdi nec non dovendo ogni anno piantar cento piantoni et vide numero cento.

(Arch. di Stato; *Cancell. inf.* B.° 39, cc. 83).

D - CONTRATTI NUZIALI.]

1507.

I. Contratto col quale due fratelli patrizi Molin sposano due sorelle patrizie Dandolo.

Coram magnificis ac generosis dominis Thadeo Contarèno et Joanne Cornario honorabilibus advocatoribus Comunis comparuerunt viri nobiles ser Fantinus Zeno condam ser Antonij, et ser Franciscus Venerio condam ser Aloysij uti commissariorum condam viri nobilis ser Joannis Aloysij Dandolo condam ser Leonardij, ac viri nobiles ser Leo di Molino, et ser Leonardus di Molino fratres condam ser Nicolai condam ser Leonis, uti sponsi, et uti commissi dominarum Andriane et Laure Dandolo filiarum condam ser Leonardij eorum uxorum, et de commissaria constat publico instrumento manu Georgij de Maynardis notarii publici diei 27 mensis Januarij 1507 more Imperij, nominati in infrascripto contracto, et juraverunt hunc esse verum et autenticum notarium juxta legem superinde editam, cuius tenor talis est:

Al nome de Dio et del Spirito Sancto, e de la gloriosa madre de Dio Rezina nostra, le nobel done madona Andriana et madona Laura fiole]che fo del magnifico miser Lunardo Dandolo, condam miser Piero, sono contente tuor per suo maridi li nobel homeni miser Lion da Molin et miser Lunardo fradelli, fioli fo del magnifico miser Nicolò da Molin fo de miser Lion, et le dite tute do se

obliga et promette dar per dota et coriedi ducati siemilia zoe ducati 6000, secondo la parte nova, e prima promette, e cussi le se obliga le predite madona Andriana e madona Laura e i sopraditi miser Lion e miser Lunardo per dota et coriedi de le dite done do, ducati 6000 sopraditi, a questo modo, zoè una caxa da statio posta in san Luca su el canal grandò cum sue botege, magazeni et rive soto la dita, in la qual al presente le dite habita, per prexio et acordo de ducati doamilia e cinquecento, zoè ducati 2500. Item una caxa messa in el confin de san Pollo cum uno terren vacuo, che vien sopra el canal grandò, la qual son apresso miser Francesco Bernardo paga de fito ducati vinti a l'anno, questo se mette d'acordo ducati quatrocento e cinquanta, zoè ducati 450. Item le dite dà una caxa cum suo terren vacuo, posta a san Vido vien sopra el canal grandò, paga ducati vinti, cum tute sue habentie, e pertinentie dacordo in ducati 450, zoè ducati 450. Item una possession de campi vinticinque, zoè 25 terre, et campi n.º cinque, zoè cinque de boschi, in tuto campi n.º trenta, zoè 30, poste in la villa de Rubegan de sora de Mestre, paga de fito stara vintise formento trivisani, cara do e mezo vin, uno porcho, et le sue onoranze d'acordo in ducati siecento, zoè ducati 600. Item ducati setecento e quaranta de monte novo che son in nome de miser Lunardo Dan-